



Republika e Kosovës
Republika Kosovo - Republic of Kosovo
Qeveria – Vlada - Government

REPUBLIKA E KOSOVËS - REPUBLIKA KOSOVA - REPUBLIC OF KOSOVO	
QEVERIA E KOSOVËS - VLADA KOSOVA - GOVERNMENT OF KOSOVO	
MINISTRIA E BUJQËSISË, PYLLTARISË DHE ZHVILLIMIT RURAL	
MINISTARSTVO POLJOPRIVREDE, ŠUMARSTVA I RURALNOG RAZVOJA	
MINISTRY OF AGRICULTURE, FORESTRY AND RURAL DEVELOPMENT	
AGJENCIA PËR ZHVILLIMIN E BUJQËSISË - AGENCIA ZA RAZVOJ POLJOPRIVREDE	
AGENCY FOR AGRICULTURAL DEVELOPMENT	
Mjesta Org. Org. Jedin. Org. Uast	07/4
Dr. Prot. Dr. Prot. Prot. No.	358
Nr. ifaqeve Broj stranica	5
Data Datum Date	25.02.2016
PRISHTINE/A	

Ministria e Bujqësisë, Pylltarisë dhe Zhvillimit Rural
Ministarstvo Poljoprivrede, Šumarstva i Ruralnog Razvoja
Ministry of Agriculture, Forestry and Rural Development

Agjencia për Zhvillimin e Bujqësisë / Agencija za Razvoj Poljoprivrede /
Agriculture Development Agency

THIRRJE PËR APLIKIM PËR FERMERËT DHE EKONOMITË BUJQËSORE TË REPUBLIKËS SË KOSOVËS

PËR PËRFITIM NË KUADËR TË IMPLEMENTIMIT TË “PLANIT PËR BUJQËSI DHE ZHVILLIM RURAL 2014-2020”, MASA 101 “INVESTIMET NË ASETET FIZIKE NË EKONOMITË BUJQËSORE” SEKTORI I QUMËSHTIT, MISHIT, VEZËVE DHE PERIMEVE, SERRAVE (PËRFSHIRË PATATEN)

Qëllimi i thirrjes për aplikim

Qëllimi i thirrjes për aplikim është dhënia e mbështetjes financiare/granteve për investime në ferma në kuadër të Masës 101, "Investimet në asetet fizike në ekonomitë bujqësore", sipas Planit për Bujqësi dhe Zhvillim Rural 2014-2020, për vitin 2016 për sektorin e qumështit, mishit, vezëve dhe perimeve serrave (përfshirë pataten).

1. Aplikuesit e pranueshëm

- Aplikuesit e pranueshëm për këtë masë janë personat fizik dhe juridik. Ata duhet të jenë banorë të përhershëm të Republikës së Kosovës;
- Nëse aplikuesi është person fizik, ai duhet të jetë së paku 18 vjeç, por jo më i vjetër se 65 vjeç. Në rastin e personave juridik ky kriter nuk aplikohet;
- Personi fizik duhet ta ketë të përfunduar së paku shkollën e mesme dhe dy vjet përvojë pune në lëmin në të cilën aplikon. Në rastin e personave juridik, kërkesa e sipërpërmendur vlen për pronarin ose për personin e autorizuar të ndërmarrjes. Personi i autorizuar duhet të jetë i punësuar me kontratë jo më të shkurtër se 3 vjet;
- Aplikuesit që nuk kanë përvojë pune dy vjeçare, duhet të bëjnë një deklaratë me shkrim, me të cilën zotohen se do të ndjekin kurse trajnimi me së paku 20 orë mësimi, në fushën për të cilën aplikojnë, e të cilat do t'i përfundojnë para kërkesës për pagesën e fundit;
- Aplikuesit duhet t'i kenë të shlyera detyrimet tatimore dhe atë, personat fizik, tatimin në pronë, kurse personat juridik, tatimin në të ardhura të korporatave dhe tatimet e tjera të aplikueshme.

2. Shtrirja gjeografike

Tërë territori i Republikës së Kosovës

3. Sektori i qumështit

3.1 Kriteret për investime në sektorin e Qumështit:

- Në momentin e aplikimit, aplikuesit për investime në sektorin e prodhimit të qumështit duhet të kenë së paku 10 lopë qumështore ose 100 dele ose 100 dhi në prodhimtari aktive, të regjistruara në Regjistrin e Fermës dhe në Regjistrin për Identifikim dhe Regjistrim të Kafshëve në AUV;
- Aplikantët që aplikojnë për ndërtimin e stallës, në projektin e tyre duhet të përfshijnë edhe depon e plehut me kapacitet të mjaftueshëm për së paku 3 muaj;
- Në rast të investimeve në mekanizim bujqësor për kultivimin e tokës, aplikuesit duhet të dëshmojnë se kanë të paktën 0.5 hektar të tokës bujqësore për çdo krerë lope, respektivisht 0.05 hektar të tokës bujqësore për kokë dele/dhie, në pronësi, të trashëguar, apo të marrë me qira për së paku 10 vjet. Kontrata për qiramarrjen duhet të jetë e noterizuar.

3.2 Investimet e pranueshme në sektorin e qumështit

- Ndërtimi / rinovimi / zgjerimi i stallave, objekteve përcjellëse (deponitë e plehut, hangarët e ushqimit voluminoz, depot e silazhit, mjeltore) dhe infrastrukturës në fermë (p.sh. furnizim me ujë në nivel ferme);
- Investimet në modernizimin e mjeljes dhe pajisjeve për ftohje, si pajisjet për mjelje, ruajtje të qumështit, përfshirë dhomat e ruajtjes së qumështit, laktofrizat, etj;
- Investimet në prodhim të energjisë efçiente në fermë nga burimet e ripërtërishme;
- Investimet në modernizimin e sistemit të ushqimit dhe furnizimit me ujë;
- Investimet në makineri bujqësore dhe pajisje për kultivim të bimëve foragjere dhe drithërave, mbrojtje të bimëve, plehërim dhe korrje;
- Investimet për pastrimin/largimin e plehut organik (të lëngët dhe të ngurtë dhe deponimin e tij);
- Investimet për prodhimin e ushqimit të koncentruar, nga kapaciteti total i të cilit, së paku 50% do të përdoret për nevoja të fermës.

4. Sektori i mishit

4.1 Kriteret për investime në sektorin e mishit

- Për investime në sektorin e mishit (majmëria e viçave dhe zogjve të pulës - zogjët për trashje) aplikuesit nuk janë të obliguar të kenë viça / zogj në momentin e aplikimit, por para kërkesës për pagesën e fundit duhet të kenë së paku 20 krerë viça me matrikuj të Republikës së Kosovës, ose të vendeve të BE-së, ose 5,000 zogj pule, dhe këto duhet t'i dëshmojnë me dokumente përkatëse dhe me praninë e tyre në stallë. Aplikantët që aplikojnë për ndërtimin e stallës për viça, në projektin e tyre duhet ta përfshijnë edhe depon e plehut me kapacitet të mjaftueshëm për së paku 3 muaj;

- Në momentin e aplikimit, aplikuesit për majmëri të viçave duhet të dëshmojnë se kanë së paku 0,25 hektar të tokës bujqësore për kokë viçi, në pronësi, të trashëguar apo të marrë me qira për së paku 3 vjet (për të siguruar baza ushqimore);
- Në raste të investimeve në mekanizëm bujqësor për kultivimin e tokës, kohëzgjatja e qirasë duhet të jete së paku 10 vjet.

4.2 Investimet në sektorin e mishit

- Ndërtimi / rinovimi / zgjerimi i stallave, objekteve përcjellëse (deponitë e plehut, hangarët e ushqimit voluminoz, depot e silazhit) dhe infrastrukturës në fermë (p.sh. furnizim me ujë në nivel ferme);
- Investimet në pajisje për rritje të zogjve njëditor për trashje (pajisje për ngrohje, për ushqim, për furnizim me ujë, etj.);
- Investimet në prodhim të energjisë efçiente në fermë nga burimet e ripërtërishme;
- Investimet në modernizimin e sistemit të ushqimit dhe furnizimit me ujë;
- Investimet në makineri bujqësore dhe pajisje për kultivim të bimëve foragjere dhe drithërave, mbrojtje të bimëve, plehërim dhe korrje;
- Investimet për pastrimin / largimin e plehut organik (të lëngët dhe të ngurtë) dhe deponimin e tij;
- Investimet për prodhimin e ushqimit të koncentruar, nga kapaciteti total i të cilit, së paku 50% do të përdoret për nevoja të fermës.

5. Sektori i vezëve

5.1 Kriteret për investime në sektorin e vezëve

- **Aplikuesit për investime në sektorin e vezëve, duhet të dëshmojnë posedimin e së paku 5,000 pulave vojse në prodhimtari aktive, të regjistruara në Regjistrin e Fermës.**
- Aplikantët që aplikojnë për ndërtimin e fermës së vezëve, në projektin e tyre duhet të përfshijnë edhe depon e plehut me kapacitet të mjaftueshëm për së paku 3 muaj.

5.2 Investimet në sektorin e vezëve

- Ndërtimi / rinovimi / zgjerimi i stallave;
- Investimet në infrastrukturë të brendshme (sistemi i të ushqyerit, ujëpirëset dhe pajisje për rregullimin e mikroklimës, pajisje për largimin e plehut, klasifikim të vezëve, etj.);
- Investimet në kafaze, vetëm sipas standardeve të BE-së;
- Ndërtimi dhe renovimi i depove për ruajtjen e ushqimit, përfshirë pajisjet për përgatitje të ushqimit, manipulim, paketim dhe ruajtje të vezëve;
- Investimet në pajisje efçiente për energji ose prodhim të energjisë në fermë nga burimet e ripërtërishme;
- Investimet për pastrimin/largimin e plehut organik dhe deponimin e tij;
- Investimet për prodhimin e ushqimit të koncentruar, nga kapaciteti total i të cilit, së paku 50% do të përdoret për nevoja të fermës.

6 . Sektori i perimeve dhe serrave (përfshirë patatet)

6.1. Kriteret për investime në sektorin e perimeve dhe serrave (përfshirë edhe patatën)

- Në momentin e aplikimit për investime në depo për pemë dhe perime (përfshirë patate), aplikuesit duhet të dëshmojnë se kanë së paku 2 hektarë sipërfaqe të tokës bujqësore në pronësi, të trashëguar apo të marrë me qira për së paku 10 vjet dhe të regjistruar në Regjistrin e Fermës.
- Në momentin e aplikimit për investime në serra të reja të përhershme, aplikuesi duhet të dëshmojë se ka së paku 0.10 hektar tokë të punueshme të regjistruar në Regjistrin e Fermave.

4.1. Investimet në sektorin e perimeve dhe serrave (përfshirë patatën)

- Investimet në ndërtimin e serrave të përhershme për perime, pemë manore apo fidanë me madhësi minimale prej 0.1 hektar. Sipërfaqja minimale e një serre është 0.1 hektar;
- Investimet në prodhim të energjisë eficiente në fermë nga burimet e ripërtëritshme;
- Blerja dhe instalimi i pajisjeve për arritjen e kushteve të kontrolluara klimatike;
- Investimet në vendosjen ose avancimin e sistemeve të ujitjes në serrë sipas praktikave efikase të ujitjes;
- Ndërtimi i objekteve për trajtim pas vjeljes (klasifikim, paketim, etiketim) dhe për ruajtje të prodhimit, si dhe depove për produkte për mbrojtje të bimëve dhe për plehra artificiale;
- Blerja e mekanizmit përkatës për kultivimin e perimeve në fushë të hapur apo në serra (makinë për mbjellje të fidaneve, makinë për shtrirje të folisë, etj.).

6. Dokumentet e nevojshme

Për të aplikuar për Masën 101- në sektorët përkatës, dokumentet e nevojshme mund t'i gjeni në Udhëzuesit për aplikues, në uebfaqen e AZHB-së dhe në zyrat rajonale përkatëse.

7. Shkalla e përkrahjes publike

Intensiteti total i përkrahjes publike është 60% të shpenzimeve të pranueshme të investimit.

Përkrahje shtesë jepet për:

- 5% për investimet në ekonomi bujqësore (ferma) nga fermerët e rinjë.
- 5% për investimet në ekonomitë bujqësore (ferma) në viset malore (lista në udhëzuesin për aplikues).

8. Koha dhe mënyra e pranimit të aplikacioneve

Data e fillimit të dorëzimit të formularit për aplikim është dita e publikimit të thirrjes për aplikim.

Thirrja për aplikim do të jetë e hapur nga data 25.02.2016 deri më 05.04.2016

Vërejtje: Aplikacioni duhet të përmbajë të gjitha dokumentet e kërkuara dhe të dorëzohet në afatin për aplikim. Dosja e aplikacionit dorëzohet në dy kopje fizike dhe të gjitha dokumentet e dosjes fizike skanohen dhe ruhen në një CD e cila dorëzohet bashkë me kopjet fizike. Këshillohen aplikuesit që një kopje të dosjes ta ruajnë për nevoja të veta.

Formulari për aplikim dhe dokumentet e bashkëngjitura duhet të dorëzohen në zyrën Rajonale të Agjencisë për Zhvillimin e Bujqësisë në: Prishtinë, Mitrovicë, Pejë, Gjakovë, Prizren, Ferizaj dhe Gjilan, çdo ditë pune nga ora 08:30-16:00.

9. Kontaktet dhe pikat (vendet) informuese lidhur me aplikimin:

AZHB/MBPZHR				
Adresa: (Ndërtesa ish Banka e Lublanës) Prishtinë				
Nga e hëna deri të premten: nga ora 10:00 – 12:00 dhe nga ora 13:00-15:00 tel 038/211-967 ose 038/212-647				
Nr.	Rajoni	Adresat	Telefoni	e-maili
1	Prishtinë	Zona Industriale - Fushë Kosovë, përballë Maxi-Marketit	038 601 169	
2	Mitrovicë	“Mbretëresha Teutë” pa nr.	028 522 501	
3	Pejë	Instituti Bujqësor “Fidanishtja”	039 431 276	
4	Gjakovë	“Marin Barleti” nr. 2, kati III.	0390 320 992	
5	Prizren	“Avni Rrustemi” 159	029 244 793	
6	Ferizaj	“Dëshmorët e kombit” pa nr.	0290 324 661	
7	Gjilan	Rr. “Bulevardi i Pavarësisë” (Rr. e Ferizajit) (Soliteri, kati I)	0280326 106	

Për informata më të hollësishme vizitoni ueb faqet: www.mbpzhr-ks.net dhe www.azhb-ks.net